



UNIVERSITÄTS-
BIBLIOTHEK
PADERBORN

Universitätsbibliothek Paderborn

Flores Directorii Inquisitorvm

Bariola, Luigi

Mediolani, 1625

Illvstriss. Et Reverendiss. D. Cæsari Montio, Assessori Sanctæ Vniuersalis
Inquisitionis in Vrbe, ...

urn:nbn:de:hbz:466:1-11434



ILLVSTRISS. ET REVERENDISS.

**D. CÆSARI
MONTIO,**

Assessori Sanctæ Vniuersalis Inqui-
sitionis in Vrbe,

*Et Consultori in Sacra Congregatione de
Fide propaganda.*

Fr. Aloysius Bariola Augustinianus F.



*Q*VINDECIM iam sunt an-
ni, cum hoc opus pu-
blici iuris feci amicorum
non tam rogatu, quàm
vi coactus. Interim opus expolui se-
cundis curis, quæ solent esse meliores:
auxi productis sacris Canonibus, &

a 2 Do-

Doctoribus, qui res eò contentas accuratè pertractant: Et præcipuè sententijs EymERICI, Et PEGNA dicta mea corroboravi. Addidi nova consilia; rebus apud me dubijs, Et obscuris dedi lucem: locupletavi Pontificijs Constitutionibus, quæ præteritis his annis prodierunt: quo factum est, ut novum opus propemodum esse videatur. Dixit quidem philosophus magni nominis, esse facile inuentis addere: sed non facile est inuenta idonea conuenienter suis aptare locis. Precibus iterum amicorum fatigatus, qui negant ullum exemplum primæ impressionis reperiri, libellum iterum in lucem edo, sed sub luce tui clarissimi nominis, qui tam scienter de rebus huiusmodi nosti iudicare. Tu enim sub trium Summorum Pontificum auspitijs, non
mi-

minus egregiè, quàm viriliter in Ec-
clesia Romana castris militasti, ma-
gnis honoribus consecutus testimo-
nium virtutis. Primum quidem à
Paulo Quinto recol. mem. inter Pra-
latos sacra Consulta totius Ecclesia-
stici status adnumeratus: deinde à
Gregorio Decimoquinto fel. record.
in supremam S. Inquisitionis Con-
gregationem Consultor adscitus: po-
stremum ab Urbano Octavo feliciter
Ecclesiam Christi gubernante Congre-
gationi de fide propaganda adscrip-
tus fuisti. His laboriosis muneribus,
quæ validissimum quemque singula
fatigassent, tanta facilitate ingenij
tui, tanta omnium admiratione, com-
mendatione q^{ue} omnibus eodem tempore
perfunctus es; ut idem Urbanus in
Tribunali eiusdem suprema Sanctæ
Inquisitionis Assessorem à curis pro-

paganda fidei, minimè auocatum, nuper constituerit. Merita quoque uniuersa familia tua in me postulant; Illustrissimi Senatoris Patris tui beneficia exigunt; suadet beneuolentia Marci Antonij fratris tui Iuris Consulti Collegiati, & Consultoris Sanctæ Inquisitionis in hac Vrbe, & nuper Regij Fisci Aduocati, à Catholica Maestate electi, signum hoc grati animi, & obseruantia erga te mea. Fratris inquam Tui, quem ingenium singulare, doctrina exquisita, eloquentia in amplissimo Senatu saepe perspecta, & ipsius supremi Ordinis luculento testimonio dum ab eo Regius Fisci Aduocatus designaretur cumulatè laudata; humanitas denique, ac suauitas morum incomparabilis, iteratis Ciuium votis, dum eius Praefectus destinaretur abundè

te-

testata; Senilis denique in florēti etate prudentia, Et in negotijs tractandis eximia diligentia in Vicarij Provisionum hoc est Patrie administrationis munere obeundo omnibus probata, ad Aui; Patrisque Senatoriam dignitatem cursim euehunt. Nequaquam despiciere debes hoc munusculum, quod non sit recens, ac nouum. Nam aurum recoctum purius, ac pretiosius esse consuevit. Aurum uoco meum hoc Opusculum, non quod aurum putem ab ingenio meo prodire potuisse, sed quod ex aureis grauiissimorum Auctorum libris, tamquam fodinis erutum sit, atque conflatum. Viue feliciter. Mediolani Idibus Iulij 1625.